


醫
案
存
真
一



葉氏醫案存真

元孫萬青校刊

通下下通脘中仍結上下格拒者乃上熱下寒古人用
麻沸湯煮涼藥以解上濃煎溫補以治下使陽氣不脫
鬱熱自罷今倣之

黃芩

小川連

枳實

右三味

入滾水中煮
五十沸即濾

人參

淡附子

乾薑

上三味

煎濃汁一盃
和入前藥服

痧攻上觸必傾囊嘔物此胃中得食氣壅肝邪無以洩
越得吐而解蓋木鬱達之也此番病發原自怒起其為

肝厥何疑

炒黑川椒

炒小茴香

川棟子

橘核

青皮汁

青木香

3

虛損心熱齟乾咳嗽失血此天氣令降身中龍相反升
下焦真氣不得收納故也惟宜神靜坐斯天君不動自
得陰上承陽下降地天交而成泰矣

紫胡桃肉

坎炁

糯稻根鬚

北五味子

白蜜

今年七月秋暑未除初病頭痛身熱是暑由上竅傷及
清陽醫藥當辛涼取氣同氣相求中上之輕邪自散無

如辛温苦寒清滋之類雜然竝投水穀內蒸氤氳不解
見症仍在身半以上軀殼之間非關臟腑大病第能蔬
食十日可解上焦之鬱

川芎 薄荷 荆芥炭 炒白芷 蔓荊子 菊花

蒂 元茶 三錢 煎湯代水

5.
精傷痿躄尻髀跗脛皆如槁木不知冷熱糞黑腸枯用
潤劑通陰中之陽病人自覺熱從內起畧有活動但係
沉痼之病未許其能却疾也

鹿茸 當歸 枸杞子 熟地 虎骨膠 舶茴香

沙蒺藜 牛膝

脈濇小數質弱平昔喜飲酒性先入肝膽故易生嗔怒
且塗次侍親煩勞鬱熱自情懷而升病屬鬱勞惟怡悅
為上用藥不易奏功

桑葉 川貝母 粉丹皮 山梔殼 天花粉

蜜炒廣皮

胃主納脾主運能食不化泄瀉治在太陰脾臟此臟為
柔臟陽動則能運凡陰藥取味皆靜歸地之屬反助病
矣

淡附子

淡乾薑

生益智

生砂仁

人參

茯苓

脈弦舌白吐涎食入膈上即湧出自述由動怒得之春

病至霜降不愈心中反痛以肝病犯胃治法

金鈴子

延胡索

良薑

茯苓

炒半夏

砂仁殼

形壯色白氣虛有痰痰阻經絡氣血不通經事三年不來古人治此必以調氣為先蓋氣為血帥也見病治病終亦無裨

生台朮 茯苓塊 香附 砂仁 蒺藜 製半夏

淡水熬膏臨好以文火燉收清晨開水調服

孕育已十一胎未到七七天癸已絕八脈不司約束脊
腰痠痛足跗骨中麻痺間有帶淋畏熱此屬陰虛虎潛
法治之

熟地 龜版 虎骨膠 知母 當歸 白芍

黃柏 牛膝

虛損真陰內潤當戊己君火主令立夏小滿陽氣交併
於上喉舌腫腐是陰不上承薰蒸膩涎吐咯不清皆五

液之變由司氣感及軀質而然檢古方以仲景少陰咽
痛例用猪膚湯

用白虎法渴煩少減畧饑必形神奕倦津液既遭熱迫
陽明脈絡自怯當以清燥法清氣熱以涵液

人參 麥冬 知母 石膏 生地 阿膠 甘草

三日瘧是邪于陰經表散和解不能去病詢知不慎口
腹食物之氣亦能助邪宜先理脾胃而廓清之

桂枝木 生鱉甲 烏梅肉 常山 廣皮 知母

草果 淡黃芩

心悸如饑頭暈肢麻此乃內起肝風汗多淋漓氣弱陽
洩近日肌浮腹大木傳土也做丹溪養金制木使脾少
賦邪之害

阿膠 天冬 生白芍 細生地 麥冬 明天麻

菊花炭

痘後四肢瘍毒延綿日久聚集環跳膝跗以致不能行
走乃沉痾難愈之疾據述筋粗強硬不司舒展內經病
能篇筋縱筋弛分寒濕濕熱之異但痘漿未化之毒混
處血脈絡間兩年之久攻之決不應病夫四肢血少氣

多初患當取陽明今已流入陰分遇風冷輒痛溫通逐邪理亦可通然男子未通精之歲必以生陰為要務調理方法宗錢仲陽麋茸六味壯陰通陽可以常進

麋茸 大熟地 紅花 當歸 枸杞子 杜仲粉

虎脛骨 牛膝

二十日來以甘溫益氣養陰治脾營胃衛後天漸得知饑納食思瘧痢致傷下焦竒經八脈皆損是以倏起寒熱背部畏冷遇風必嗽痰陽維脈無以維持護衛衛疎則汗泄矣從虛損門治

人參 鹿角霜 沙蒺藜 補骨脂 茯神

枸杞炭 鹿茸 當歸身

少腹痠聚從左上升每月事將至經絡腹脇先痛自述
嗔怒病加病在肝俞血海由氣逆血滯故年逾三旬未
得孕育下焦時冷治當理氣血以調經若縷治病樣未
免太拙

當歸 川芎 木香 麝香 香附 桃仁 查肉

葱白 延胡索 吳茱萸 川棟子 小茴香

韭白 水泛為丸益母草湯送

悲憂哭泣致病不饑欲嘔病屬鬱症治當條達肝胃第

胃為陽土肝寄相火雖結痕氣燥熱未宜

製半夏 白茯苓 炒丹皮 炒神麩 吳茱萸

夏枯草 黑山梔 川連

因噴怒心胸痞脹三年左脇下堅凝有形偶觸勞忿則

寒熱無汗此屬鬱痺氣血延成 氣治當宣通營衛流

行脈絡佐入攻堅俾寒熱得止再議

炒柴胡 生香附 半夏麩 丹皮 桃仁 青皮

薑汁炒梔仁 生牡蠣 臨服入嫩魚血五匙

行走多動陽酒濕多變熱熱氣上升犯胃清竅頭蒙聩
脹衄血成流上繆腐瘍久必漏厄世俗通套每用犀角
地黃然酒性先入膽次及胃酒客性惡甜膩從苦降定
議以苦能却濕也

桑葉 苦丁茶 連翹心 荷葉邊 丹皮 射干

瘡傷真陰七八年來每交春季即脊背肩胛脹痛入夏
更甚冬寒乃瘥凡春夏之時天地大氣發泄至秋冬方
始斂藏臟真既少升洩病來督脈行身之背自陰而及
於陽但內傷不復未易見功惟養靜斷慾用藥可希漸

效

鹿角霜

鹿角膠

熟地炭

兔絲餅

青鹽

柏子仁

暑濕乃夏秋時令之病其邪先着氣分氤氳蒙昧有形無質醫投攻奪乃有形治法氣傷陽損至今肢冷溇泄何一非陽微腫脹之徵此宜溫補下中莫治眼前

人參

白朮

木瓜

淡附子

益智仁

炒廣皮

厚樸

高年少腹氣衝腕下心肋時痛舌底流涎得甜味或靜

23

22

24
卧少瘥知饑不食大小便日窒此皆陰液內枯陽氣結
閉喻西昌有滋液救焚之議然衰老關格病苟延歲月
而已醫藥僅堪圖倖

大麻仁

柏子仁

枸杞子

肉蓯蓉

紫石英

炒牛膝

三陰瘡是陰分伏邪汗之清之不解但與膩滯補藥邪
無出路遂致吐衄寒自背起督脈應乎太陽

川桂枝

熟半夏

炒白芍

炒黑蜀漆

生牡蠣

25
淮海水醎土潮水土異氣自口鼻受入必聚募原濕邪

久鬱化熱陽明絡損血溢咳嗽視目黃面亮顯然濕熱
變痰况病已數年若是陰虛必不能延久至今也從濕
熱例治

杏仁 厚樸 米仁 赤茯苓 塊滑石 綿茵陳

淋屬肝膽而酒性濕熱之氣肝膽先受滓汁次及腸胃
濕甚熱鬱溺竅悉阻莖管窄隘久病積熱愈深不受溫
補當忌酒肉厚味分利雖投不能却病從經義苦味祛
濕參以解毒

料豆皮 牡丹皮 黑山梔 蘆薈 龍胆草

27.
真青黛 金銀花 胡黃連

陰虛汗泄精遺理應固攝但先哲濇固之藥必佐通滑以引導濇味醫知斯理者鮮矣

熟地 萸肉 杜芡實 五味子 龍骨 遠志

茯神 用猪脊髓金櫻子膏搗和為丸

28.
幼稚驚癇至十三歲患發每發必於子夜陽動之時想陰未充溢肝風乘陽冒亂神識痰涎上湧治痰清火無效蓋肝為腎子木中陰火燔灼腎液皆為上泛矣女子天癸得來斯病當有愈期

29

大熟地 懷山藥 當歸身 茯苓塊 山萸肉

紫石英 丹皮 澤瀉 河車膠

便濁精濁兩者迴殊據述素有夢遺濁發遺止則知精濁矣分清飲八正散治濁套藥與此無涉當固補下焦不必分利

熟地 遠志 沙蒺藜 線魚膠 山萸肉 覆盆

子 兔絲餅 生龍骨 茯苓塊

臭穢觸入游行中道募原先受分布三焦上下頭脹脛

悶洞泄以芳香逐穢法

30

藿香梗 生香附 茯苓皮 白豆蔻 飛滑石

炒厚樸 新會皮

31.

食下腕中噎阻背脇氣逆而痛脈右寸獨大據述由噎怒致病當與清金制木形瘦津少勿用破烝燥血

枇杷葉 桔梗 紫降香汁 川貝 蘇子

生香附汁

32.

凡憂愁思慮之內傷不足必先上損心肺心主營肺主衛二氣既虧不耐煩勞易於受邪惟養正則邪自除無麻桂大劫散之理故內傷必取法乎東垣今血止脈奠

形倦不食仍噎欬不已吐痰粘涎皆土敗金枯之象
急與甘緩補法

生黃芪 炒白芍 炙草 飴糖 南棗

著左卧即欬甚是臟陰血液傷極用益氣甘藥者緣有
形生於無形耳

人參 黃芪 當歸 白芍 南棗 炙草

34

寒熱因經水不來而甚此內經謂二陽之病發心脾女
子不月肌肉日瘦腹有動氣即風消息貴矣內損成勞
非通經逐瘀所能愈也

柏子仁 歸身 白芍 桂枝 桂圓肉 生黃芪

今年二三月久雨陰晦入山行走必有瘴氣濕邪著於脾胃腹中脹閉溏瀉挾積溺赤不爽目昏肌肉悉黃夫濕為陰邪鬱久必熱熱自濕中而出當以濕為本治

生茅朮 炒厚樸 猪苓 草豆蔻 新會皮

綿茵陳 澤瀉 茯苓皮 木香汁磨入

精血五液衰奪陽化內風上巔則眩暈欲厥乘絡則四末痠痺老年有此斷非攻邪可却古方侯氏黑散取乎培實孔竅者緣此

熟地

杞子

藕汁

河車膠

紫石英

甘菊炭

茯苓

人乳粉

熬膏不用蜜

色蒼肉瘦形象尖長木火之質陰液最難充旺春間欬

嗽雖係風温外邪但既屬陰虧冬藏先已不固因欬逆

震動浮陽上冒清空自阻用藥宜取沈靜質重填陰鎮

陽方是閱方辛氣居半與磁石相阻從容陰中之陽亦

非收攝不效宜矣

大熟地

靈磁石

黃肉

五味子

牡丹皮

雲茯苓

阿膠

懷山藥

澤瀉

龜版

東垣謂癰痢皆令脾傷以為寒為熱之邪由四末蒸犯中焦也蓋頭形象天清陽不曠故面目諸竅不和形寒汗泄將來浮腫腹大已了然在目矣

人參 茯苓 熟附子 淡乾薑 厚樸 澤瀉

脈弦緩面目肌膚皆黃舌白滑膩胸脘膈間脹閉病名濕溫由瀕海潮濕氣入口鼻至募原分布三焦此為外因仍食水穀腥物與外入穢濁之邪兩相交混濕甚熱鬱三焦隧道氣血不通遂變黃色發汗不愈者濕家本有汗也清熱消導不愈者熱從濕中而起濕不去則熱

40. ✓
不除也夫濕邪無形質攻滯乃有形治法其不效宜矣
昔河間治濕熱必取乎苦辛氣寒蓋苦降以逐濕辛香
以祛穢寒取乎氣藉氣行不閉寒於內也當世醫者混
以傷寒表裏為治殊不知穢濕氣入口鼻游走三焦不
與傷寒同治

綿茵陳 白豆蔻 厚樸 川通草 廣皮白炒

茯苓皮 半夏麴 塊滑石

濕濁內蒸瘀熱發黃三焦壅遏濁氣迷漫又非有形質
滯此辛香逐穢宣通是一定法日期既多恐濁閉神昏

另以銀花湯化至寶丹二粒

綿茵陳 白豆蔻 茯苓皮 厚樸 草果 滑石

杏仁 木通 鮮菖蒲根汁

復診

綿茵陳 厚樸 江枳實 草果仁 細木通

黑山梔 雲茯苓 黃柏

痰滯得穢濁膠結濕中熱起蒸變發黃脘中痞悶病在
氣分兩進消導理氣面目黃色畧減而痞結如故議與
治疽疎滯兼以蘇合香丸逐穢為法

復診

茵陳 草果仁 枳實 厚樸 廣皮 木通

暮服蘇合香丸一九三服

生白朮 茯苓塊 茵陳 猪苓 厚樸 滑石

澤瀉

穉年瀉血是飲食不調熱蒸於絡為腸胃之病肛痔亦由濕熱內蒸而致熱甚則陰液不充風熱上升故乾噎法當與甘寒之劑俾金水同出一源况肺熱必移大腸腎開竅於二陰也

鮮生地 地骨皮 麥門冬 金銀花 穠豆皮
肥知母

下利皆令傷陰值冲年情念正萌遂患夢遺勞煩饑餒
更甚以精血有形必從水穀入胃資其生長也診脈數
面亮莖舉則精出溺後亦淋瀝是陰虛精竅不固因陽
氣下墜所致議固下陰以和陽

熟地 旱蓮草 生龍骨 懷山藥 杜芡實

萸肉 雲茯苓 蓮蕊鬚 金櫻子膏 煉蜜為丸

瘡後耳竅流膿是竅閉失聰留邪與氣血混為扭結七

八年之久清散不能速效當忌葷酒濁味卧時服茶調散一錢患耳中以甘遂削尖插入口內銜甘草半寸許兩年前晨泄食入嘔吐此非有年體質之脾腎虛瀉可以二神四神治也蓋勿冲陽虛百中僅一耳今泄瀉仍然寒熱咳嗽失血天癸不來脈得弦數形色消奪全是冲年陰不生長勞怯大著無見病治病之理保其胃口以冀經通務以情懷開爽為要勿恃醫藥却病

熟地炭

炒當歸

炙甘草

炒白芍

淡黃芩

烏梅肉

黑查肉

脈細右濡左數少年形瘦肌槁遺泄是知識太早致精
血難充臍左動氣食減易饑陰傷於下漸延中宮沉陰
恐妨胃剛補慮劫陰男子精傷補陰參入柔劑溫藥取
坎中寓陽之意

鹿角霜 龜腹版 白茯苓 枸杞子 柏子仁

炙甘草 沙蒺藜 炒黑遠志

脇痛咳則更甚漸次腹大堅滿欬左不能卧右此閃氣
致閉便溏溺利已非腑實乃絡病也

桂枝木 炒厚樸 新絳屑 生牡蠣

旋覆花 青蔥管 生香附 雞內金

三瘡留熱伏於厥陰絡中左脇痠聚有形是為瘡母寐則驚惕若見鬼神夫肝為藏魂藏血之鄉熱邪內灼藏聚失司非攻補可療議清解血中之結以祛熱

大生地 柏子仁 炒丹皮 生鼈甲 生牡蠣

郁李仁 炒桃仁

脈數左促右小欬嗽已一年喉癢火升食減經水仍來從未生育凡女人以肝為先天肝陰不充相火上燔莫制嗽久痰帶紅絲皆勞怯勢成日見消爍清肺涼藥不

效根本先虧也急養肝腎之陰不失延久之計

烏骨雞

大熟地

麥門冬

炒白芍

清阿膠

當歸身

川貝母

炙甘草

地骨皮

北沙參

白茯苓

焦黃柏

雞去毛腸頭足翅入藥在肚內酒煮爛去骨用其

藥肉搗晒重磨餘汁打糊丸

遺洩有夢屬心無夢屬腎據述氣火下溜即如溺出之

狀莖管中痛熱氣上冲咽喉巔頂掀脹語言皆怯此任

脈不攝衝脈氣逆治法引之導之攝以固之現在便澀

食少勿投沉陰膩滯之藥

砂仁炒熟地 炒黑遠志肉 炒蓮鬚 元武版

白龍骨 鎖陽 茯苓 杜芡實

以金櫻子熬膏為丸

形勞悒鬱之傷脈得左部弦勁肝血膽汁已少目翳紅赤治以涼肝滋液

糟豆皮 菊花炭 穀精草 淡天冬 枸杞子

生地

牙宣春發繼以喘促乃腎虛不能納氣歸元戌亥陰火

寅卯陽動其患更劇閱古人書急則用黑錫丹養正丹
之屬平時以溫煖下元方法

人參 熟地 五味子 胡桃肉 熟附子

舶茴香

獨糞後血未已是為遠血宗仲景金匱例用黃土湯

黃土 生地 奎白芍 人參 清阿膠 川黃柏

歸身 泡淡附子

此
病始足脛乃自下焦肝腎起病其形不腫則非六氣濕
邪當從內損門痿躄推求黃地滋滯久服胃傷食減嘔

逆皆因濁味滯氣而然經年不復損者愈損臟真不能
充沛竒經八脈不司其用經云衝脈爲病男子內結七
疝女子帶下瘕聚夫衝脈即血海男子藏精女子繫胞
今精瀝內結有形是精空氣結亦猶女子之瘕聚也凡
七疝治法後人每宗張子和但彼悉用辛熱與今之精
空氣結迴殊久病形消肉脫議以精血有情涵養生氣
鮮河車一具水煮搗爛入山藥建蓮末拌勻丸如桐
子大清晨入參湯送下

據述左脇痛引背部虛里穴中按之有形納食不得順

下頻怒勞煩氣逆血鬱五旬以外精力向衰延久最慮
噎膈議宜通氣血藥取辛潤勿投香燥即有痰濁凝留
亦可下趨

當歸尾 京墨汁 桃仁泥 延胡索 五靈脂

老韭白

足跟筋骨痛不能履地漸至延及腰脊向患遺精此肝
腎精血內耗將成痿躄也

生精羊肉 炒當歸身 舶茴香 老生薑

靈樞經云人身陽氣不內入陽蹻穴則寤不得寐飲以

半夏湯今宗之

半夏 秫米

腸血腹脹便溏當臍微痛脾胃陽氣已弱能食氣不運

濕鬱腸胃血注不已故古人如羅謙甫王損庵輩用劫

胃水法可效

真茅朮 紫厚樸 升麻炭 炙甘草 附子炭

炮薑炭 炒當歸 炒白芍 煨葛根 新會皮

以黃土法丸

口齒骨節不開咽喉痰壅溺阻肌浮是皆氣分閉塞經

言諸氣臏鬱皆屬於肺肺象空懸凡重劑竟走腸胃故
久治不效

麻黃 杏仁 滑石 牛蒡子 馬兜鈴 生甘草

射干 馬勃

痰濁久留脾胃絡中黑糞自下肌色變黃納食漸減脘
中時痛不易運化中宮陽氣日傷新血復為瘀阻夫脾
藏主統血而喜溫暖逐瘀鮮効讀仲聖太陰九條僅僅
溫下一法但溫後必以溫補醒陽否則防變中滿

潯桂心 煨木香 生桃仁 製大黃

初以心動精泄久則關鍵滑溜食減至半業已損及中
焦莫地滋膩滯胃下焦之陰未得其益中宮之陽先受
其累至於黃柏味苦苦更傷陰當以妙香散加金箔治
之為穩

人參 龍骨 遠志 茯神 金箔 益智 茯苓
硃砂 甘草

墮胎十八次衝任奇脈血液無存厥氣入絡為脹為痛
或時冲逆犯膈八脈皆不為用淹淹漸成損怯徒欲止
痛寬脹乃不明之論俗醫皆然

真鹿胎 枸杞 牛膝 淡菴蓉 當歸身

沙蒺藜 舶茴香 潯桂心

165
臍旁有塊仍流動按之要或時攻脇刺痛外腎寒冷拘
束病屬肝血腎精之損凡腎當溫肝宜涼腎主藏納肝
喜踈泄收納佐以流通溫腎涼肝是此病製方之大法

當歸身 枸杞子 生牡蠣 炙鱉甲 小茴香

沙蒺藜

166
產後腹堅有形氣聚不通漸成脹滿乃衝脈為病其大
便秘阻血藥潤滑不應柔膩氣愈凝滯攻徐之才云腎

惡燥以辛潤之

當歸身

精羊肉

舶茴香

老生薑

67. 久嗽形寒行走喘急是下焦先損入冬陽不潛伏喘甚
失音胃納頗安溫養元海佐其攝納若以清肺散邪食
減胃傷必致敗壞

炒熟地

雲茯苓

胡桃肉

牛膝

鹿鞭

淡菴容

炒黃枸杞

68. 厥陰犯胃則陽明空虛仲景云入穀則噦與吳茱萸湯
泄肝救胃即史書圍韓救趙同旨

吳茱萸 淡乾薑 炒白芍 雲茯苓 人參

勞煩繼以悲哀經阻三月是二陽之病發心脾

當歸 澤蘭 白芍 川芎 香附 查肉

接服柏子仁丸

精腐瘀血阻閉濁竅為痛似淋非淋久則陽微脈傷寒

熱起五液枯耗為便難乃虛症也

鹿茸 淡菴容 柏子仁 枸杞子 沙蒺藜

扶神 當歸

接服 鹽水炒骨脂 淡菴容 沙蒺藜 枸杞子

69

70

厚杜仲 扶神 鹿茸 龜版

九方 河車膠 沙蒺藜 龜版 水煮熟地 枸杞

麋茸 扶神 菴容

味過於酸肝木乘胃嘔逆心痛用大建中法

人參 淡乾薑 茯苓 桂木 炒黑川椒

生白蜜

邪與氣血交凝則成瘧母病在絡自左脇漸歸於中焦木乘土位東垣謂瘧母必傷脾胃既成形象宜通佐芳香乃能入絡凡食物肥膩呆滯尤在禁例所慮延成中

滿

人參 茯苓 木香 草果 陳皮 香附汁

厚樸 青皮

肢冷湧涎臍上痛墜泄瀉而脈緩此為脾厥以辛香醒

中兼解少陽之鬱

生益智 香附汁 厚樸 柴胡 煨木香 陳皮

邪灼臆中神迷譫語嘔痰

牛黃丸 竹葉燈心湯化服

瘧發三日三月不止邪留在陰熱解無汗氣衝胸臆痰

75

74

73

涎甚多問寒起腰髀及背部議從督脈升陽

人參 炒黑川椒 鹿茸 茯苓 炒黑小茴

炒當歸

76. 妊娠八九月胎吸母氣陽擾煩蒸心痛引入少腹謂之

子懸失治有三冲三激之累

栝子仁 天冬肉 女貞實 茯苓 生地

真陳阿膠

77. 秋深曾診擬議此病為裏濕更傷瓜果辛甘寒分利脾陽又受辛寒之累致濁氣聚形頻遭食復陽屢被戕凡

身中脾陽宜動動則運腎陰宜藏藏則固斯為病根局
方大健脾丸仲淳資生丸多以補虛通滯芳香合用者
取其氣通濁洩人參補正之力得矣

人參 茯苓 益智仁 煨木香 厚樸 新會皮

78.
秋季寒熱滯下總是長夏為暑濕病蓋夏令脾胃司氣
治失其宜致腹滿泄瀉跗浮囊腫皆濕邪無以走泄阻
遏流行氣機使然腫脹勢減仍不饑少食兼吐痰濁痰
血要知濕是陰濁久鬱於中必從熱化初傷氣分久而
入絡病能篇中以濕腫屬脾以脾為陰土得陽乃運今

氣困無以運行諸經腑為窒痺消則愈困補則壅滯當
 疎腑養臟為宜凡腑以宣通為補非徒偏熱偏寒治矣
 茯苓 厚樸 生穀芽 新會皮 天生益智 澤瀉
 兼用仲淳資生丸去黃連每早粥後嚼一丸約二錢
 食物滯於腸胃太陰陽氣不旋陶節庵用五積散因汗
 冷厥逆禁用攻表昨主溫通開滯氣頗應謂陽氣宜通
 也

草果 香附 厚樸 陳皮 廣木香 茯苓

化服蘇合香丸

血傷驟加驚恐氣鬱熱升風旋清神受蒙為厥凡厥皆
隸厥陰今左股麻痺忽爽忽迷皆肝膽中相火內風未
得寧靜病延數日左脈小濡熱勝津液暗傷不宜純與
攻滌苦寒經旨以肝為剛臟與胃腑對待柔緩濡潤陽
和液復可免癇症

鮮生地 石菖蒲 柏子仁 阿膠 天冬 茯苓神

幼年久有遺精百疾不耐勞煩先後天未曾充旺秋季
瘡邪再傷真陰冬月夜熱嗽痰失血不饑不食盜汗傷
陽陽浮不藏漸于胃口皆久虛勞怯之象此恙屏絕酒

色怒煩須安閒坐卧百日必胃口漸旺病可漸除古稱
精生於穀食也

北沙參 女貞實 茯苓 炒麥冬 米仁 川斛

芡實

脈左細數而勁右數大而虛此腎精肝血內虧水不涵
木陽挾內風暴起莫制指臂拘攣口目喎斜在左蓋肝
風陽氣從左而升衝氣撞心消渴暈厥仲景列於厥陰
篇中凡肝屬陰木必犯胃之陽土飲食熱氣入胃引動
肝陽即病發矣此恙已六七年陰損已極必屏絕俗擾

怡悅情懷然後滋養堪固其陰必有小效無驟期速功

炒鬆熟地

陳阿膠

大淡菜

莖肉

五味

芡實

金櫻子粉

客邸懷抱不舒肝膽鬱遏升降失度氣墜精開為遺泄

地黃龍牡鈍滯氣鬱者更鬱理氣和肝獲效未經調理

全功當今冬令溫舒收藏之氣未堅失血之後胸中隱

隱不暢未可疑陰只宜降氣和血

釣藤鈎

降香

米仁

鬱金

茯苓

杜蘇子

丹皮

炒桃仁

形充脈弦飲食如常述左脇久脹上年腫突肌潰收結
已來脇中痛脹仍發入夜更甚僅僅仰卧不可轉側此
支脈結飲阻其周行氣機病根非外非內宜通其脈絡
為是

熟半夏 青黛 土貝母 白芥子 昆布 海藻

海浮石 土瓜萋仁 蛤蜊殼粉 竹瀝 小五薑

汁三十匙泛丸

凡經脈直行絡脈橫行經氣注絡絡氣還經是其常度

今絡脈室塞閃爍為痛但在雲門上焦猶是清氣流行

之所務取輕揚宣氣亦可無礙濕痰便血靈樞所謂上

焦如霧

桑葉

蘆根

冬瓜子

米仁

桃仁

炒

隨時服

卧服威喜丸三錢

中年飽食虛里穴痛脹引之吐出痛脹勢減必起寒熱
旬日乃已夫脾主營胃主衛因吐動中營衛造偏周行
脈中脈外參差遂致寒熱且納物主胃運化在脾皆因
陽健失司法當煖中用火生土意再以脈沉弦細參論
都係陰象有年反胃格脹清陽漸弱濁陰僭竊為多症

脈屬虛溫補宜佐宜通守中非法

生淡乾薑

茯苓

人參

熟半夏

白粳米

87.

勞怯形肌日瘠食減自利腹痛寒熱由陰虛已及脾胃
無治噉清滋之理姑以戊己湯加味攝陰為議是難

愈之症

炒白芍

炙甘草

北五味

88.

久痢肛墜診脈左堅沉溫劑不受陰傷不司收納前用
桃花湯少減當與甘酸柔緩

人參

炙甘草

熟地炭

柿餅炭

五味子

肩背肢末皆陽氣游行之所牽掣不和是絡脈中病首
用東垣舒經接用參芪木附兩法不應必容氣襲入脉
中灸刺無功議用酒醴通和血脈

鑽地風

五兩

千年健

五兩

大黑豆

六兩

三味投入無灰酒十斤隔水煮一日早晚暖服三四

益

伏邪留於少陰厥陰之間為三日瘧百日不愈邪傷真
陰夢遺盜汗津液日枯腸燥便艱養陰雖似有理但深
沉瘧邪何以追拔掃除議以早服仲景蠶甲煎丸三十

粒開水送午後服養陰通陽藥用復脈湯加減

生牡蠣 鹿角霜 酸棗仁 阿膠 麥冬 炙草

生地 桂枝 大棗

脈沉而遲向有寒疝泄瀉繼而腸血不已漸漸跗臑麻木無力此因膏粱酒醴釀濕內著中年腎陽日衰肝風肆橫陽明胃絡空乏無以束筋流利機關日加委頓乃陽虛也做古劫胃水法

生茅朮 人參 厚樸 生炮附子 陳皮

狂癩陡發莫制病去諸事皆清發時面青食少議泄肝

膽

龍蒼丸

二錢半

十服

93.

有夢遺精治在心腎乃二氣不交所致冬令牙宣亦主
藏納淺鮮用鎮固寧神方

熟地

棗仁

茯神

金箔

人中白

女貞子

湘蓮子

旱蓮草

遠志

龍骨

蜜丸

脈虛瀉咽中時痺不妨食物大便乾燥此肺中氣不下
降不主運行消渴心熱皆氣鬱為熱非實火也

枇杷葉

蘇子

蜜炙橘紅

馬兜鈴

茯苓

川貝母 蘇合香 蘇木 蘇合木 蘇合果 蘇合刺

病因食物不節其受病在脾胃既成形象在左脇之旁

是五積六聚喜煖惡寒陽氣久傷溫劑必佐宣通食物

宜慎 艾木 藜蘆 蘇合 蘇木 蘇合香 蘇合木 蘇合果 蘇合刺

草果 萆撥 雞內金 砂仁 殼 厚樸 廣皮

阿魏 搗丸

瘡發六七十候寒熱邪聚必交會於中宮脾胃陽氣消

乏致痞脹不能納食運化三年不愈正氣未復診脈沉

微陽傷必濁陰盤踞但以洩氣寬脹中州愈困愈劇必

pb.

pb.

溫通濁走陽回是久病治法

生淡乾薑 生益智 厚樸 茯苓 人參

泡淡附子

17.

脈大弦緩目黃納食後中脘滯痛腹鳴泄瀉夏病至深
冬未安緣瀕海潮濕久蒸兼以懷抱少暢脾胃之陽日
因所受水穀之氣少運清濁升降失度外因六氣未去
留連脾胃內傷法當辛香調氣醒中陽氣流行濕鬱可
却腥羶重味宜忌

煎方 杜藿香 煨木香 生茅朮 草果 陳皮

生香附汁

茯苓

厚樸

服十劑

丸方

生於朮

人參

益智仁

生茅朮

砂仁

茯苓

小青皮

厚樸

新會皮

瘕結在左腹形長大必大便得通脹滿可減年前詢病

因嗔怒且久寡多鬱以泄木調氣得效今冬又發用大

鍼砂丸十日白晝頗減入夜大脹議通陽泄濁方法

肉桂

麝香

阿魏

青皮

當歸鬚

郁李仁

川棟子

蜜丸

腎精下損乏陰氣上乘浮陽上灼咽喉痛痺有喉宣發

現咳嗽喘促是下焦元海不司收納衝脈之氣上沖所致故日進潤劑望其咳減為庸醫之良法實釀病之禍階現在胃弱便溏則非治嗽可療矣勞怯不復當以固真納炁培扶胃口希冀加穀則吉

人參 茯苓 芡實 坎炁 湘蓮子 秋石

五味子 胡桃

冬溫咳嗽忽值暴冷外寒內熱引動宿痰伏飲夜卧氣沖欲坐喉咽氣息有聲宜煖護安居從痰飲門越婢法

麻黃 甘草 石膏 生薑 大棗

當風受涼遂致左偏麻木已經三載今年勢緩痛聚於腰寒冷煩勞痛甚此氣血凝遏壯年不為大害議以酒醒之是治風先治血之意

當歸 沉香 川芎 松節 生於朮 海桐皮

片薑黃 黃芪 桂枝 羌活 沒藥 虎脛骨

奔馳氣火乘絡失血用繆氏氣降使血歸經

蘇子 茯苓 丹皮 降香 米仁 羌蔚子

桃仁 藕節

向來經水不調衝任脈病醫未明竒經脈絡久治無功

後患陰瘡延虛經來色淡淋漓少腹攻觸疔痛晨必瘕
泄當通陽攝陰非破洩真氣偏寒偏熱之

鹿角霜

補骨脂

炒當歸

小茴香

炒黑

白茯苓

炒川椒

紫石英

淡肉菴蓉

外血

便後純血食減力疲脈左堅是中年陰虧

熟地

炒白芍

當歸

柿餅炭

炙草

霉雨滂沱咽喉暴痛必因濕邪干肺痛止納食無礙

水則哈兼吐涎沫此痺阻在喉不在咽仍以輕劑理肺

枇杷葉

馬兜鈴

通草

米仁

射干

茯苓

陽微陰聚致濁氣蒙蔽清神苓桂不應議用大半夏湯

合附子粳米湯法

半夏 人參 白蜜 附子 白粳米

據述瀉血五日血止即患咳嗆左脇下有形如梗身動

行走必眩暈欲仆春夏減食秋冬稍加交冬人迎脈絡

結癭診脈虛左關尺數此肝腎精血因驚恐憂勞所傷

陽失陰戀絡中空隙陽化內風鼓動不息日就消爍不

肯復為鬱勞之症四旬以外生氣已淺非治病可却春

夏身中真氣不耐發洩可知屏絕家務開懷頤養望其

病緩

石決明 女貞實 杞子 黑芝麻 桑葉 阿膠

寄生 柏子仁 茯苓 炒當歸

108.
冬溫為病乃正氣不能藏固熱氣自裏而發齒板舌乾
脣燥目微紅面油亮語言不爽呼吸似喘邪伏少陰病
發三焦皆受仲景謂發熱而渴者為溫病明示後人寒
外鬱則不渴飲熱內發斯必渴耳治法清熱存陰勿令
邪熱焚劫津液致癰瘕痙厥神昏譫狂諸症故仲景復
申治療法云一逆尚引日再逆促命期且忌汗忌下忌

辛温九日不解議清膈熱

飛滑石

連翹

淡黃芩

鬱金汁

竹葉心

天花粉

橘紅

苦杏仁

耳聾環口浮腫是少陽陽明風熱久而失解邪漫經絡

倏然疹現隨沒當與羅謙甫既濟解毒湯

枯苓

大黃

防風

銀花

葛根

升麻

川連

荆芥

甘草

陳酒浸半日陰乾煎

陽明之脈主束筋骨而利機關今行走皆艱納穀甚少

腹中氣攻頭痛自悲憂五年日加衰憊如靈樞經論痿

110.

109.

云意傷憂悲愁則肢廢也

枸杞 當歸 防風根 黃芪 沙蒺藜 元參

牡蠣 羚羊角

陽不交陰寤不成寐內風乘巔髓出鼻竅腥濁必絕欲

經年可以却病乃下焦病根歸脾湯永無效期做丹溪

法

淡菜 阿膠 熟地 龜板 茯神 天冬

蓐勞下損損及八脈醫投清內熱滋陰致胃傷食減寒

熱下焦冲氣上逆而咳嗽藥惟治肺與下虛內損並無

干涉帶淋骨熱髓竭液枯蓐損較平常損怯更難寒暑
更迂不復草木焉能奏功勉與血肉有情望其加穀望
其悠久

鮮河車

一具

人乳

八兩

生紫石英

三兩

血餘灰

二兩

秋石

一兩

人參煎湯送

二錢

怒傷肝恐傷腎二志交併真藏內損煩勞則陽氣擾動

值春木之令絡血隨氣上溢失血過多陰炁下空陽無

所附上觸清府致木反乘金咳嗆氣促肺俞惡寒脈弦

數乃下損之疾

山萸肉 五味子 鹹秋石 青鹽 熟地

瘡起四肢擾及中宮脾胃獨受邪攻清氣已傷不饑不食胃中不和夜寤不寐小溲赤濁即經言中氣不足溲溺為變須瘡止之期干支一周經腑乃和明理用藥疎痰氣補脾胃清氣轉旋望其納穀

熟半夏 生益智 人參 厚樸 茯苓 廣皮

臨服入薑汁三分

飲入脘膈鳴響唇乾漱不喜飲臍腹微痛晝欲寐夜不寐是脾胃未和陽氣不得下交於陰宣通氣分宗仲景

腹痛必加芍藥以和陰

人參 白芍 穀芽 半夏 麴 黑芝麻 霜桑葉

茯苓 陳皮

116.

今年浮腫腹脹泄瀉皆兩濕太過脾陽鬱遏久則氣窒

小溲不利凡分消健中調治其氣水濕自去脾陽漸復

酒肉閉氣食物宜忌

生白朮 茯苓皮 生益智 椒目 厚樸 廣皮

澤瀉 猪苓

117.

服威喜丸稍安用涼潤劑不適想過進辛寒辛則傷肺

寒則傷胃食入不化噯氣甚多咯痰氣閃欲痛大便瀉
少不暢流行既鈍必清陽轉旋得向愈之理

蜜炙生薑 茯苓 炙甘草 南棗 桂枝 米仁

傷寒蓄血都是邪入於裏內經謂陰絡傷血乃下溢陰
為藏病陰氣從下走泄陽氣失戀上冒遂令神識昏狂
乃脫症也况在立冬大節之交關閱醫藥今朝所服猶
是羞防葛根前此柴防服之屢屢身中陰陽遭此魔障
劫盡焉有安逸之理雖急急收拾散越恐未穩追返耳

人參 茯神 禹餘糧 木瓜 五味 小麥

八旬又四下元虛憊膀胱不開溺淋室痛腎藏之陽通
納皆少惟峻補元海可冀小效至於全好恐難深許

當歸 鹿茸 茯苓 柏子仁 菴容 杞子

熟地 牛膝

厥逆初平胃口下脘觸着便痛小便自利大便黑粘不
爽前者經來暴止血海恐有凝瘀議以輕緩通血方法

丹皮 澤蘭 桃仁 料豆皮 小生地 薑汁

昨日用交加散法黑血畧下痛緩下移此瘀濁停留皆
為痙厥以致紊亂氣血奇經失和矣但心悸舌赤陰分

122
自虧宣瘀之藥多辛善走擇其辛潤者進商回生丹量
進半丸亦對證穩藥

細生地

薑汁

當歸鬚

丹皮

小茴

桃仁

料豆皮

芫薺子

陽虛陰亦傷損瘧轉間日虛邪漸入陰分最多延入三
日陰瘧從前頻厥治厥陰肝藏而效自遺洩至今陰
不自復鄙見早服金匱腎氣丸四錢淡鹽湯送午前
進鎮陽提邪方法兩路收拾陰陽仍有洩邪功能使託
邪養正兩無妨礙

人參 生龍骨 生牡蠣 炒黑蜀漆 川桂枝

淡附子 炙草 南棗 生薑

此仲景救逆湯法也龍屬陽入肝蠣屬陰入腎收瀼重鎮臟真自固然二者頑鈍呆滯藉桂枝以入表附子以入裏蜀漆飛入經絡引其固瀼之性趨走護陽使人參甘草以補中陽薑棗以和營衛也

123

舌音強縮乾涸無津邪氣已入膻中神識昏蒙積勞心血久虛致熱竟入矣診脈虛小無力但補則熱閉今晚以至寶丹三分涼開水調化勻五六次銚服明日再

又

心氣久耗營液暗傷漸枯涸室塞小腸火腑失其變
化傳導澉溺欲痛舌刺欲縮色仍白晦豈是血滯實火
當滋液以救燔燥仍佐苦味以通火液

鮮浙江生地 元參 竹捲心 人參 川連

菖蒲 百部 桔梗

又

神氣消索五液枯寂此昏躁妄言乃陰陽不肯交合
欲作脫象不忍坐視議三才湯以滋水源參入磁硃以

寧神志

三才加磁硃金箔

又

吸短欲躁午後至更深為甚熱入陰中子後清陽用
事稍和自云心中不舒熱熏則楚做邪少虛多例用仲

景復脈湯

炙草 生芍 人參 生地 麥冬 麻仁 阿膠

雞子黃

脈微弱而細鼻準獨明晝日形冷汗泄不饑少納脘腹

常痞泄氣自舒此陽氣失護衛而寒慄汗出陽失鼓運

而脾胃氣鈍前進養營亦主中宮想因血藥柔奠陽不

驟甦初進甚投接用則力疲矣詢其不喜飲湯舌頗明

潤非邪結客熱之比議用理中湯法端以脾胃陽氣是
理不獨治病兼可轉運日前之藥昔賢以瘧稱謂脾寒
重培生陽使中州默運實治法之要旨

人參 生芍 熟術 附子 茯苓 乾薑

產後六日惡露仍下每呵欠寒慄凡進湯必嘔逆舌粉
白有苔面目四肢浮腫兼之消渴喜得涼飲胸脘痞悶
不飢此臨產外邪乘虛竟入厥陰邪犯陽明狀如瘧證
但產後虛弱值冬暖不藏之候得汗方解顯然客邪然
柴胡動竭肝陰決不可用議和胃清邪一法

製半夏 鬱金 新會皮 天花粉 杏仁 竹茹
 努力絡傷身痛痰嗽失血最宜降氣通痰最忌沉寒呆
 補

紫降香末 鬱金 茯苓 米仁 蘇子 桃仁
 入韭白汁十五匙

產後下焦先虧腰脊如痠肛墜不爽此乃腎虛不攝痢
 血與脾病迥異攝固其陰畧兼通腑

熟地炭 五味子 茯神 炒白芍 炙甘草
 炒查肉

勞倦伏邪初起即用柴胡紫蘇三陽混散津液被劫熱邪上結胸中懊懣神煩譫語渴欲冷飲診得脈無神舌色白病在上焦氣分閱醫藥不分上下氣血况冬溫氣泄老人積勞七日未見病退機關此屬重症豈可藐視輕談

瓜萋皮 黑梔子 白杏仁 鬱金 香豉
 枳殼汁

入冬天暖陽不潛伏質瘦脂虧稟乎木火血液既少內風暗動遂致眩暈麻痺陡然仆倒水不生木肝陽橫逆

絡血流行右阻謂之偏枯忌用攻風逐痰清邪涼血漸
致其和交節不反原可扶病延年

犀角 羚羊角 鬱金 元參 連翹心 鮮薑蒲

川貝母 橘紅

冬溫失藏稚年陰虧陽亢三陰之陽當夜分升騰煩躁

上熱不寧晝則安康人健宜用六味磁石方法

生六味加磁石辰砂

寒熱雖減腕中猶然不爽非是食滯乃氣結所致尚宜

開上中之痺

134

133

川連 乾薑 淡芩 炒半夏 杏仁 白蔻

枳殼 桔梗

此厥症也緣情懷失曠肝膽鬱勃陽氣直上無制夫肝脈貫膈入胃循嚥咽喉今病發由腕至咽四肢逆冷所云上升之氣自肝而出中挾相火其病為甚法以苦降辛宣酸泄之治使陽和氣平之後接續峻補陽明此病發必稀以胃土久受木戕土虛則木易乘尅也

川連 生芍 吳萸 烏梅 橘紅 杏仁

肝風不熄都因天熱氣泄高年五液皆少不主涵木身

中衛陽亦少擁護遂致麻木不仁丹溪所云麻屬氣虛
血少便艱也苟非培養元氣徒以痰火風爲事根本先
怯適令召風矣議用三才湯合桑麻滋肝養血息風治
法

天冬 地黃 人參 胡麻 桑葉 首烏

137. 瞳神散大無光乃動怒陽盛致血耗水涸精采散越之

象治宜養血斂液

熟地 五味 萸肉 茯神 女貞子 白芍

炙草

138. 丸方 熟地 五味 茯苓 磁石 莢肉 枸杞

白芍 青鹽 龜膠丸

此肝風挾陽上逆為厥得之惱怒驚憂屬七情之病厥
陰肝脈貫膈乘胃是以腕中不饑不思納穀木犯土位
也其頭暈目眩亦肝風獨行至高之地而精華之血不
得營矣前用苦降酸泄辛宣病有半月不愈議兼重鎮
主之

139. 川連 吳萸炒 白芍 烏梅 淡乾薑 生牡蠣

脾胃久虛不復泄瀉嘔逆不欲食喘促腹膨煩渴無寐

是虛中挾暑最慮慢驚宜和補中土兼清暑熱必得嘔
止瀉緩寢食得宜庶不致變

人參 廣皮 木瓜 大腹皮 川連 泡薑

烏梅 茯神

形弱脈小腰痺酸爽足跟痛是下元精血暗虧未老先
衰防致痿痺溫養宜柔勿以桂附剛復

鱉魚膠 沙苑蒺藜 甘枸杞子 首烏 茯神

虎骨膠 牛膝 柏子仁 溶膠為丸

壯年形體充壯時見眩暈目淚暗出前議脈濡大便久

142
溘用白朮益土桑葉泄木入冬尻骨跟痛耳鳴皆下少
攝納當固其下虛不致內風自動

丸蒸首烏

補骨脂

炒黃甘菊

兔絲子

鯉魚膠

蒺藜炒

枸杞子

膠汁搗丸

久勞鬱勃夏季尿血延及白露溺出痛澀血凝成塊阻
著尿管夫淋症方書列於肝膽部為有濕熱阻其宣化
氣機故治法苦辛泄肝淡滲通竅施於壯實頗效今望
八老翁下焦必憊况加精血自敗化為瘀濁真氣日衰
機竅日閉診候之際病人自述夢寐若有交接未嘗遺

143
洩心陽自動相火隨之然清心安腎等法未能速效暫以清營通瘀宣竅之劑

天冬 生蒲黃 龍膽草 龜版 生地 阿膠

丹皮 焦黃柏

頭中清竅痺窒風火挾陽上升味變酸濁明是火化火鬱發之治從經旨以茶調散一錢卧時用真苦丁茶一錢五分煎汁調服俾上竅內膜無阻冀有小效

藁本 辛夷 蒼耳子 蔓荊子 川芎 菊花

苦丁茶爲末

凡熱甚而厥其邪必在陰分古稱熱深厥深病中遺泄

陰傷邪陷發表攻裏斷難施用和正託邪是為穩法

草果

黃芩

知母

人參

炒半夏

五更時服

高年氣血皆虛新涼上受經絡不和腦後筋掣牽痛陰

氣安靜乃陽風之邪議用清散輕劑

新荷葉

青菊葉

連翹殼

藁本

苦丁茶

太陽開小水自利陽明傷則失其闔濁陰上逆四肢冷

汗氣喘胸腹脹悶都是陽微欲脫脈絕厥逆勉與通脈

四逆湯回陽驅陰以挽之

147. 淡乾薑 泡附子 人參 猪膽汁

服藥後脈微續者生暴出者死

初病伏暑傷於氣分潮熱渴飲邪犯肺也失治邪張逆走臙中遂至舌縮小便忽閉鼻煤裂血耳聾神呆昏亂邪熱蔓延血分已經入絡津液被劫必漸昏寐所謂內

閉外脫

連翹 銀花 石菖蒲 犀角 鮮生地 元參

至寶丹一粒

148. 遺泄陰虧瘧熱再傷陰分聲嘶火升易怒神躁水不潤

木之徵議何人飲佐降陰火

製首烏 知母 天冬 人參 茯苓 麥冬

144. 勞復虛寒泄下加以絕穀胃損絡血洞下昏亂無神脈

診三五參差陰陽已屬脫根恐壞於子丑二時真氣不

相維續勉用大封固一法

人參 熟附子 生芪 五味子 於朮

此吸受穢濁募原先病嘔逆邪氣分布營衛熱蒸頭脹

身痛經旬至神識昏迷小溲不通上中下三焦交病舌

白渴不多飲仍是氣分窒塞當以芳香通神淡滲宣竅

俾穢濁氣由此分消耳

通草

猪苓 茯苓皮 米仁

淡竹葉

腹皮

至寶丹

熱久傷陰津液不承嗆咳舌紅罩黑不饑不食肌膚甲

錯渴飲不休法當滋救胃液以供肺惟甘寒為宜

麥冬

南花粉

白沙參

冬桑葉

蔗漿

望色萎痺晦黯聞聲呼吸不利語音若在甕中診脈右

緩左急問初病忽熱忽溫頭中如裹腰痛欲拊捫神識

呆鈍昏昏欲寐肢節痠瘳咳痰映紅溺澀短縮便澹滯

152

151

血不饑不渴環口微腫脣乾不紅舌白糜腐此水穀酒
腥濕熱相併鬱蒸阻撓清氣之游行致周身氣機皆令
痺塞夫熱邪濕邪皆氣也由募原分布三焦營衛不主
循環升降清濁失司邪屬無形先著氣分時師橫議表
邪宜汗裡滯宜消見熱投涼殊不知熱由濕鬱氣行熱
走仲景於瘧暍從濕化忌汗忌下明示後人勿傷陰陽
耳但無形之邪久延必致有形由氣入血一定理也據
色脈症參之末見或可採用

羚羊角

茵陳

銀花

連翹

通草

大腹皮

153

茯苓皮 猪苓 澤瀉 至寶丹

產後下虛血病為多今脫中痞脹減食不適全是氣分之病但調氣寬中勿犯下焦為穩

。生香附汁 蘇梗 神麩 豆蔻 桔梗 茯苓

154

濁氣上逆惡心不食冷汗煩躁最防暴脫不可但執惡露滯滿而專泄氣攻血

人參 淡乾薑 淡附子 澤瀉 冲入童便

155

瘡有十二經然不離少陽厥陰此論客邪之傷若挾沸鬱嗔怒致厥陽肝氣橫逆其勢必銳經言肝脈貫膈入

胃上循喉嚨而瘧邪亦由四末擾中故不饑不食胃受
困也夫治病先分氣血久發頻發之恙必傷及絡絡乃
聚血之所久病血必瘀閉香燥破血凝滯滋血皆是症
之禁忌也切宜凜之

青蒿

生鼈甲

炒桃仁

當歸尾

鬱金

橘紅

茯苓

又方

桃仁

柏子仁

新絳屑

青葱管

歸鬚

膈間腫橫如臂堅硬痛楚體髀斷股皆腫經謂之伏梁
又曰風根此下焦陽虛氣不能運化也此屬危症勉擬

一方恐未能效

淡川附

萹澄茄

人參 鹿茸

茯苓

脈左數上熱下冷淋帶不止此內熱濕鬱久則元虛

花波羅滑

為末漿丸

即珍珠粉丸

三錢

凡有痔疾最多下血今因噤怒先腹滿隨瀉血向來糞

結近日便澹是風木鬱於土位氣滯為膨氣走則泄議

以理中湯泄木佐之

人參 附子

茅朮

醋炒柴胡

炮薑

地榆炭

厚樸

醋炒升麻

瘀積於肝邪正錯亂藏府之氣交傷而成膨疾腹脹氣壅擬禹餘糧丸破血泄肝通利二便治之

禹餘糧丸十粒

中虛陽鬱胸膈不舒飲食不快擬逍遙散疎肝和脾使

甲膽清陽上達生化氣行病可痊愈

人參 柴胡 茯苓 歸身 炙黑甘草 焦木

廣皮 丹皮 炒白芍

偏枯症風論云邪中五臟六腑之俞穴各入門戶為病則四肢不舉然陽主左而陰主右也又云汗出偏沮使

人偏枯此外感之邪或營衛皆虛邪乘虛入或虛風內動皆有之醫者治之當補正以逐邪未可逐邪而不顧本元然治之之法以陽明為主

生耆 白芍 當歸 防風 續斷 草薢 蠶砂

橘紅 虎骨 秦苑

163.
病熱汗出復熱而不少為身涼此非痲瘋狂言失志經所謂陰陽交即是病也交者液交於外陽陷於內耳此屬棘手症

人參 生地 天冬

關格者經言脈數俱盛四倍陰陽結邪相離而不復相

營脈羸不及於天地之精氣則危矣極言關格之不可治

前賢擬方亦皆未盡善愚意離愁鬱結病屬七情果難

措手今此症由甘肥積熱酒性燥悍致傷臟腑津液治

以清通清滋或尚可希冀

川連 生草 栝藁皮 元參 枳殼 膽星

苦丁茶 柏子仁 元明粉 等分蜜丸

自失血半年以來心悸怔忡脇左時動絡脈空隙營液

暗傷議甘緩辛補

酸棗仁 柏子仁 桂圓肉 生地 茯神 杞子

炙甘草 饑時服

166

古人治脇痛法有五或犯寒血滯或血虛絡痛或血着不通或肝火抑鬱或暴怒氣逆皆可致痛今是症脈細弦數不舒此由肝火抑鬱火鬱者絡自燥治法必當清

潤通絡

潮括萇 炒香桃仁 歸身 新絳 炒白芍

炙甘草

167

脈轉勁舌乾赤噁氣不展狀如呃忒緣頻吐胃傷諸經

之氣上逆填胸聚腕出入機逆周行脈痺肌肉着席而痛轉加平昔辛香燥藥不受先議治肺經以肺主一身之氣化耳

炒香枇杷葉 苦杏仁 去皮炒 二味水煎一杯許冲

入桔梗枳殼汁

天氣下降則清明地氣上蒸則晦塞上焦不行下腕不通周身氣機皆阻肺藥頗投者肺主一身之氣化也氣舒則胃醒食進不必見病治病印定醫人眼目

炒香枇杷葉 一兩 桔梗 一錢 紫苑茸 三錢 大杏仁 三錢

米仁 三錢
白通草 一錢

右藥煎清湯一杯

16p.

濁飲不解經謂之膈消即上消症也言心移熱於肺火刑金象致病之由操心太過刻不寧靜當却盡思慮遣懷於栽花種竹之間庶幾用藥有效

生地 天冬 棗仁 人參 柏子仁 知母

金石斛 生草 元參

170.

腹中如有水狀行則腹鳴濯濯經言肺移寒於腎水氣客於大腸如囊裏漿按之不堅屬火衰陽虛不得轉輸於膀胱謂之涌水

人參 附子 茯苓 白朮 乾薑 炙草

171. 手足軟不能坐立是屬痿也痿症內經歷言五臟之熱髓枯骨軟治應苦堅滋營今之醫者多作陽虛治之痿症不愈皆由是也

虎潛丸

172. 厥者脈動而身靜謂之尸厥此氣閉於外氣血未亂通其陽則生今厥而脈亂氣血併走於上如天地之鬱則沙飛水湧莫之可當為之大厥此人身之根蒂空虛三陽并羸俟其氣返則生不返則危矣

大熟地 磁石 代赭石 五味子 白芍 人參
河車

後學
鍾蟠根愚泉
曹維坤雲洲
叅校